

# ЛҮИМА СЭРИПОС

07 февраля  
2019 года  
№3  
(1189)

Общественно-  
политическая газета  
Ханты-Мансийского  
автономного  
округа-Югры

[www.khanty-yasang.ru](http://www.khanty-yasang.ru)

E-mail: [gazeta@khanty-yasang.ru](mailto:gazeta@khanty-yasang.ru)

Основана 11 февраля 1989 года

## «Лүимә сэрипос» газетав 30 талэ тóвлы



Редакциявт пбелүм хуриов

Ты  
номерт  
ЛОВИНЬТЭН:

Күщай нэ  
йильпи саккон  
хансуңкв  
ләвыс

2

Эргыт, ййквыт  
элаь тогнэ нэ

4

Кәркам ягәииг-  
ягпыгыг

7

Лүсум яныл  
ханищтахтуңкве  
ёхтум аги

10

Няврамыт  
мойтыт  
хунтлысыт

16

Ты хурит Мария Тихоновна Двинянинова пöслым öлы. Тав Хальүс район Хулумсүнт павылт öлы. Ань Ханты-Мансийск үст агитэ палт мүйлы. Ты ёмас, сымың нэкве öвылтыт 8 лөпсыт потыр ловиньтэлын.

## ЛЯХХАЛЫТ

## «Лүймә сәрипос» газета ловиньтан мӕхумақвет!

**М**ӕнъщи лӕтӕнъл хаснӕ нӕпақув ты тӕл рӕтънъ юсвой ӕтпос аквхуйплов щислат вӕт тӕлӕ тӕвлы. Мӕн анъ нӕн мӕгсылын пуссын ты тӕлыт сьс хотъют хансыс, маныр урыл хассӕв, пуссын ты номерт вӕриянув.

Кӕсыӕ тӕл сьс газетанув акван-атыянув ос осыӕ нӕпақ вӕрӕв, анъ ты нӕпақьт сунсыглым ӕлнӕ ӕлупсав хумус пӕнтхаты, пуссын нӕнқи. Тув сунсым история рови хансуӕкве. Хури ӕщнӕ потрыт сунсыглаӕкве сака пӕмыщ, ӕлумхӕлас хунъ мӕнълат ӕлыс ос хунъ сӕрӕрыг ӕмтыс.

Пӕс хурит сака ӕмасыт, тот мӕхманув мӕнъщи сахил, мольщаӕнъл, вӕил, нӕрал масхатым ӕлӕгыт. Туи хуритыт мӕнъщи супыл ос нуйсахил нӕквет масхатым пӕслымат.

Анъ мӕнъмӕхум тув сунсым наука щирьл потрыт хансуӕкве вӕрмӕгыт, хотъют ӕрыӕ маснут ханищтаӕкве паты, пуссын ты вӕрмалит «Лүймә сәрипос» газетат хансым ӕлӕгыт.

Това порат газета ловиньтан хӕтпат ӕт хӕнтхатыглӕв, тӕн сымын рӕвнӕ ӕмас лӕтыӕ лӕвӕгыт, номтанув татем ӕмасыг ӕмтӕгыт. Аквнакт Светлана Алексеевна Попова, Ӓс-угорский институтт рӕпитан нӕкве, ӕнум лӕвыс: «Ам мӕнъщи газета кӕсыӕ порат сака ӕрилум, хунъ тотавем, ам таве кӕтын выглум ос кӕсыӕ лӕххал, потыр ловиньтылум, хурит ӕмщакв сунсыглыянув. Ос газетам мольх та холыгпи, ӕста ӕрхатӕгум. Таве ловиньтаӕкве сака кӕсащӕгум». Тамле лӕтӕнъл хӕнтамлым мӕн щӕгтым рӕпитӕв, ты коньпал сӕв ӕмас потыр хансӕв.



Ӓтил мӕхумақвет, нӕн мӕнавн пишма хансуӕкве ӕс вӕрмӕгын, нӕнти урынтыл манос хотты рӕтаньн урыл потрыт хансӕн, хотъют ӕрыӕ мӕйт номьлматы, хансӕн ос тӕтӕн. Мӕнавн нӕн пишманьн сака ӕрӕгыт.

**Галина КОНДИНА,**  
мӕнъщи газетат  
кӕщаиг рӕпитан нӕ

## Кӕщай нӕ йильпи сӕккон хансуӕкве лӕвыс

**Т**ӕл котиль ӕтпос 28 хӕталӕт округ кӕщай нӕ Наталья Комарова Ханты-Мансийск ӕст сапрӕни вӕрыглас. Ос сӕвсыр ӕсытт манос пӕвлытт рӕпитан кӕщайт ӕт кина суссылтан тӕтап хосыт потыртас. Школат ханищтахтын нӕврамыт, хумус анъ тыттавет, миркол кӕщайт та урыл китыгласанӕ.

Ты тӕл мус округувт школан ялантан ӕгирищит-пыгрищит тӕнӕ мӕгсыл щӕнӕнъл-ӕщаньн олн щар ат ойтсыт. Яныг щӕмьят яныгман нӕврамыт, нуса тотнӕ манос ӕгмыӕ-мосыӕ ӕгит-пыгыт акв хӕтал сьс кит щӕс олн ойттӕл тот тӕсыт. Мӕтаньт пуссын акв щӕс тӕӕкве вӕвыглавӕсыт, ты вӕрмаль мӕгсыл округ бюджетныл олн майлувес.

Йильпи тӕлныл ты олныт аквта щирьл кос тӕстыглавет, тувьл нӕврамыт сӕвнувел тыттын мӕгсыл щӕнитн-ӕщитн 40 арыгкем солкӕви ойтӕнӕкве анъ ӕри. Урай, Югорск, Ханты-Мансийск ос Нижневартовский район миркол кӕщайт округ бюджетныл маим олныт нӕврамыт мӕгсыл холтуӕкве щар ат патсаньл, щӕнит-ӕщит ойтхатуӕкве лӕвсаньл.

Сапрӕнит Наталья Комарова ты миркол кӕщайт пуссын ки-

тыгласанӕ, тӕстым олныт хӕталь тотсаньл. Урай ӕс миркол кӕщай ювле лӕвыс, тӕн олн щар ат ӕныщӕгыт, нӕврамыт мӕгсыл олн миӕкве ат вӕрмӕгыт. Ты ӕлы-пӕлт тӕн ӕсыӕ мир сапрӕнин вӕвыгласаньл ос ты вӕрмаль урыл потыртасаньл, щӕнит-ӕщит нӕвраманьл мӕгсыл ойтхатуӕкве пуссын тӕнки кӕсащасьт.

Кӕщай нӕ лӕвыс: «Нуса тотнӕ щӕмьят ос сӕв нӕврам яӕмалтан щӕмьят мӕн акваг нӕтыянув. Тот яныгман ӕгирищит-пыгрищит школат аквта щирьл кит щӕс анъ тыттавет, тӕн мӕгсыланьл мӕн округ бюджетныл олн тӕстыглӕв.

Ты ӕтпосныл това школат нӕврамыт вӕссыг щар ат тӕгыт. Ӓгирищит-пыгрищит ханищтахтым тӕтал ул вос саваласыт, пустагыл ӕлалъ вос ӕлсыт, нӕврамыт школат тыттын вӕрмаль урыл округувт йильпи сӕккон

пирмайтаӕкве тах ӕри. Тӕнт мирколытыт рӕпитан кӕщайт тӕстыглым олныт мӕт вӕрмалитын холтуӕкве вӕссыг ат вӕрмиянъл».

Ханищтап департаментыт кӕщай хум Алексей Дренин ты вӕрмаль урыл лӕвыс: «Анъ округув янытыл 154 сӕтыра ӕгитпыгыт школат ханищтахтӕгыт. Тӕн халаньлт 91,9% сӕвит нӕврам школат тыттавет.

Анъ сӕккон щирьл щӕнит-ӕщит акв хӕтал сьс нӕвраманьл мӕгсыл 45 солкӕви тӕнки ойтӕгыт, ос 44 солкӕви округ бюджетныл тӕстыглаве. Нӕврамыт мӕгсыл тысӕвит олн ойтаве.

Нефтеюганск ӕст ос Ханты-Мансийский район школатыт ханищтахтын нӕврамыт мӕгсыл олныт мирколыг тӕстыглӕг, щӕнит-ӕщит олн ты щар ат ойтӕгыт.

Анъ кӕсыӕ школат тӕнут пӕйтнӕ колыт рӕпитӕгыт, нӕврамыт кит щӕс тот тӕӕкве вӕрмӕгыт. Ӓгирищит-пыгрищит китынтыг тӕӕкве ке тахмаӕгыт, тӕн 80 арыгкем солкӕви тӕнки ойтӕгыт.

**Людмила ТЕТКИНА**

## ЛЯХХАЛЫТ

# Найпос ос газ магыс йильпи утыт унттавет

**Ю**вле хультум этпост Ханты-Мансийск үсн ляххал тотнэ колн Государственный Дума депутат Павел Завальный ёхталас. Тав энергетика комитетыт кўшаиг олы. Найпос ос газ минэ колытт рўпитан хөтпат уралты. Ты хум мән округувныл рўпитаңкве тув пёриясес. Маныр йильпи вәрмалъ ань вәраве, тав ты урыл потыртас.

Государственный Думат кўщаянуп тал сыс китахкем сөтыра Федеральный сакконыт пирмайтёгыт. Депутатыт тананыл пёриям махум ёт акваг ващинь-тахтёгыт. Мирув маныр вәрмалъ оныщи, ёмщакв тара-паттёгыт. Ётыл ты хосыт эрнэ саккон пирмайтёгыт. Тарвит оцнэ хөтпат саккон щырыл ос нётыяныл.

Кўщай хум лавме щырыл, ань оlnэ колытт найпос ос газ магыс йильпи счётчыкыт вәруңкве патавет. Сартын тамле вәрмалъ

оlыс, махум счётчыкыт магыс танки оln ойтсыт. Ань тананыл оln ойтункве ат эри. Ты счётчыкыт вәрнэ компаният танки унтункве патыяныл.

Ты хосыт махманув постын най магыс мощчанув оln ойтёгыт тах. Манасавит най холтёгыт, туп тыммагыс ойтхатуңкве патёгыт. Ос хөтыт оln миңкве ат касачёгыт, тан постын наяныл ос газаныл лап-товарттавет. Тыщир махум тара ойтхатуңкве патёгыт. Сав арнта ат атёгыт. Ты счётчыкыт унттын

юи-палт найпос ос газ магыс оlnыт нөх ат нётавет, акватёмыг хульгуптавет.

Павел Николаевич лавыс: «Махум нуса манос щёлың щырыл уртуңкве ат эрёгыт. Хөтыт манасавит электроэнергия холгыс, тав тасавит магыс вос ойтхаты. Норма вәруңкве ат патаве. Тамле норма төва кўщай хөтпат 2013 тал пасныл вәруңкве кусыглахтасыт. Ос махум ты тэла элал тотункве ат тартсаныл. Таиммагыс кўщаянуп ты вәрмалъ ёл-пөилттасаныл.

Тувыл колытын газ магыс ос йильпи счётчыкыт вәруңкве патавет. Ты «Газпром» компания тан рўпатааныл. Ос төва кол кўщайт счётчыкыт унттын хөтпат юв ат тартыяныл. Тувыл счётчык ат унттын магыс «Газ-



П.Н. Завальный

пром» компания штрафолныл пинаве.

Ань кўщайт административный кодекс мощ йильпииг хассаныл. Счётчык вәрнэ махум юв ат тартнэ хөтпат штраф-олныл пинуңкве патыяныл тах. Ань ты хөтал мус хўрумса-т-ниласаткем сөтыра йильпи счётчыкыт иң ат унттувёсыт.

**Николай МЕРОВ**

## Мот хон мән ялум хөтпат урыл

**М**олал «Арктические рубежи» нампа мирхал конференция Норвегия мот хон мат олыс. Мән округувныл ма-вит ўргалан департаментыт кўщай ваңын хум Александр Комиссаров, «В.И. Шпильман» нам оцнэ Центр колт рўпитан кўщай ваңын хум Пётр Стулов ос мот хумыт тув ялсыт. Тан манырсыр рўпата тот вәрсыт, кўщаиг ты урыл потыртасыг.

Ты вәрмалън Арктика ляпат оlnэ мән махум вәтихал аква-атхатыглёгыт. Норвегия мат ос сосса хөтпат, саамыт, олэгыт. Тан ос салыт оныщёгыт. Округувныл ялум кўщайт танки йис манылт оlnэ сосса хөтпанув олупсаныл урыл потыртасыт. Мот хон мат махум ты тэла сака пумсалахтасыт.

Тувыл ань округувт нефтяникыт ос сосса хөтпат хумус акваёт

рўпитёгыт, мот хон мат мир ты урыл ос кытыглахтасыт. Кўщаянуп лавсыт, ань салың хөтпат ос ма-вөй винэ махум халанылт вори ат тотёгыт, аква-потыртахтым рўпитёгыт. Нефтяникыт салың махум ляпат рўпитёгыт ке, тан савсыр нётмил сосса щёмьятын вәрёгыт. Эрнэ нэпак щёпитёгыт ос хасхатёгыт. Ты хосыт нэматыр тарвит вәрмалъ ат ёмталы.

Норвегия матэ ос шуниң. Тот тал сыс онтырсат млн тонна ма-вөй ос газ маныл нөх-виве. Округувныл оlnэ кўщаянуп вәтихал тан ётаныл аква-хөнтхатыглёгыт. Савсыр ха-ништапйт щёпиталёгыт, потрамегыт ос халанылт хўлтыглахтёгыт.

Тот кўщайт ма-щунит киснэ ос ма-вит сыста-мыг хульгуптан вәрмалъ урыл сав потыртасыт. Норвегият сёмга атың выгыр хўл олы, салыт янмалтавет. Таиммагыс тот оlnэ мир ма-вита-ныл сака ўргалыяныл. Ань вөр мат интернет ос олы. Матыр тэла магыс ойтхатуңкве эри ке, махум павыл манос үсн ат минёгыт. Оlnэ мананылт «Госуслуга»

ищхыпың лөпс хосыт оln ойтункве вөрмёгыт. Та сыс төва элы мат интернет иң атим. Норвегия лүимат ос тамле вәрмалъ олы.

Кўщаянуп тот Андерс Оскал ёт хөнтхатыглахтасыт. Тав ма яны-тыл оlnэ салың хөтпат палт кўщаиг рўпиты. Махманув тав ётэ саамыт салың колн ялсыт. Тот савсыр тэлат урыл потыртасыт.

Ань маньполь этпос 2-3 хөталыгт Ханты-Мансийск үст салыл каснэ вәрмалъ щёпита-ве. Мән кўщаянуп Андерс Оскал ос саам салың хөтпат мўйлуңкве тыг вөвсаныл. Саамыт ты пўмыщ касыл суснэ магыс тыг ёхталаңкве лавхатсыт.

**Николай САВЕЛЬЕВ**

# Эргыт-йиквыт элалъ тотнэ нэ

**Маргарита Фёдоровна Рябова**  
 Мёт махум Ханты-Мансийскат  
 творчества колт хонтхатыгласыт.  
 Тав сосса мир йиквыт ос эргыт хо-  
 сат тагыл ханищтым оныциянэ ос  
 ты тэлат элалъ тотыянэ.

Ань центр искусств  
 ва колт ханищтахтын  
 няврамыт, үст оlnэ  
 хотпат маньши ос хан-  
 ты йиквыт ханищтаң-  
 кве эхталасыт. Овлэт  
 Маргарита Рябова Али-  
 ка Яркина апге эт «Ку-  
 ринька» йикв йивсыг.  
 Тувыл тав йиквнэ на-  
 кыт пуссын махумн  
 суссылтас, хот ос ху-  
 мус катыг-лаглыг ху-  
 тувъялуңкв эрэг, ты  
 урыл потыргас.

Ты пэс йикв маньши  
 нэквет танки щирыл  
 йиквияныл, хантыг ос  
 танки щирыл йиквэгыт.  
 Маргарита Фёдоров-  
 на Ванзеват павылт са-  
 мын патыс, анэкваэ  
 маньши нэ олыс, ос тән  
 савыңпалэ акваг хантыг  
 халт олсыт.

Школа асталме юи-  
 палт Маргарита Сале-  
 хард үст культпросвету-  
 чилищат ханищтахтас.  
 Тот «Сыра-Сэв» на-  
 па ансамлит йиквыс,  
 тот хультуңкве вөввес.  
 Ос тав ат касащас,

Ванзеватн омаэ палт  
 ювле эхтыс ос сав тал  
 клубт рүпитас.

Тав маниг олме по-  
 рат, тән коланылт сав  
 махум атхатыглалсыт,  
 нэ хотпат эргысыт,  
 тованакт йиквуңкве  
 люлюмталсыт. Марга-  
 рита тән нупыланыл  
 нас сунсыс, ань та порат  
 олум накыт урыл павыл  
 хотпанэ китыглаңкве  
 патсанэ. Савсыр пү-  
 мыщ тэлат тара-пат-  
 тыс.

Тувыл 1996 талт мань  
 агит-пыгыт эт «Тутые»  
 эргын-йиквнэ вэрмалъ  
 щёпитас. Ты няврамыт  
 эт сав ман ялантасыт.  
 Ань Юлия агитэ ос Женя  
 Молданова апге «Хотал»  
 наппа Ас махум театрыг  
 рүпитэг, мань порат ха-  
 нищтам вэрмалянэн  
 пуссын эрмыгласыт.

Яныгпала хотпатныл  
 ань нэмхотыют атим,  
 ос тахолыт та ханищ-  
 там наканэ тав номтэт  
 хультсыт. Тәнаныл  
 Маргарита Фёдоровна



Маньшит ос хантыг  
 йиквуңкве ханищтавёсыт

элалъ тотыянэ. Мань-  
 ши йиквыт тав Мария  
 Сергеевна Мерованыл  
 сунсыс, тән ань тыт ак-  
 ван-хонтхатыгласыг.  
 Нэ Саранпавылт Дми-  
 трий Георгиевич Агеев  
 «Салы лёнх» театрын  
 ялнэ няврамытныл саң-  
 квылтаңкве ханищтах-  
 тас.

Ань тыт Алика Яр-  
 кина апге мащтырыг  
 йиквыс, тувыл Дми-  
 трий Иванов ос Ни-  
 кита Мингалев, балет  
 артистыг, хум хотпа  
 йиквыг йиксыг ос ма-  
 хум ханищтасыг. Вик-  
 тория Костылева ос Ана-  
 стасия Батющенко, кит  
 эшиг, ханты йикв йиль-  
 пи щирыл йиквыстэн,  
 тән Надежда Костыле-  
 ва омаэ эт үст «Со-

звездие Югры» наппа  
 ансамбль вэрмыт.

Тувыл Маргарита  
 Рябова ос Людмила  
 Хомляк «Пётуш, Пётуш  
 кумие» акв ощхуль  
 эрыг ос «Бурановские  
 бабушки» эрганыл эр-  
 гысагён. Ты эрыг хан-  
 ты латңыл толмаш-  
 лым олы. Маньлат ма-  
 хумн тыи сака мўс-  
 тыс.

Ханищтан кит щёсыг  
 молях та оигпасыг,  
 няврамыт ос мот мўй  
 хотпат савсыр вэрма-  
 лит тара-паттысыт.  
 Тән пуссын «Куринь-  
 ка» йикв ханищтасыт ос  
 аквёт йиквсыт.

Елена Исламурато-  
 ва, творчество колт  
 кўраиг оlnэ нэ, Мар-  
 гарита Рябова юбилей  
 талыл анытластэ ос  
 мўйлупсал мистэ. Ту-  
 выл Маргарита Фё-  
 доровна тавэн нётум  
 хотпатн пўмашипа  
 латың лавыс. Тот Фа-  
 ина Павловна Ишти-  
 мирова тав олупса-  
 тэ овылтыт потыртас.  
 Операторыг рүпитан  
 хум Александр Ефи-  
 мов ос Александра Яр-  
 кина агитэ ищхипың  
 тотапн ёл-хансым эрыг-  
 совыт эрнэ торыг суи-  
 ныг вэрыгласанэн. Мўй  
 махум пуссын щагтым,  
 ёмас номтыл юв та  
 мингаласыт.



Алика Яркина, Ф.П. Иштимирова  
 ос М.Ф. Рябова люлэгыт



Никита Мингалёв хум  
 хотпа йикв суссылты

Тамара МЕРОВА

«ЛҮИМӀ СӒРИПОС» ГАЗЕТАВ 30 ТӀЛЭ ТӐВЛЫ

## 1989-1993 тӀлыт

Газета мӀньщи лӀтӀыл нӀглын пӀсыл 30 тӀлыг ты Ӏмты. ТӐва мӀньщи потрыт, мӀйтыт ӀвлӀт «Ленин пант хуват» (мӀн лӀтӀув щирыл «Ленин лӀ҅х хосыт») газетат хансыглавӀсыт. Тав 1957 тӀлт вӀру҅кве Ӏвылтавес, сӀвы҅пӀлӀ ханты лӀтӀыл хасвес. КӀщӀаиг тот ханты хум Григорий Дмитриевич Лазарев Ӏлыс.

«Ленин пант хуват» газетан потрыт ос ляххалыт педучилищат ханищтахтам мӀньщи студентыт хассыт, ты И. Меров, В. Меров, С. Ромбандеев, К. Албин, М. Албин, С. Гоголев, А. Анемгуров, И. Самбиндалов, К. Яркин, Н. Сайнахов ос П. Вахрушев. Сака пӀумыщ потрыт намы҅суи҅ хум ПӀтр Ефимович Шешкин хансыглас.

МӀньщи поӀтув Юван Николаевич Шестапов стиханӀ ос акваг хансыглавӀсыт, тувыл ханищтан нӀ МатрӀна Панкратьевна Вахрушева потранӀ.

МӀньщи мир такви я҅нас газета вос Ӏньщи, тӀнти лӀтӀыл потрыт, мӀйтыт вос ловиньтӀгыт — ты урыл педагогический наука кандидат мӀньщи нӀ Клавдия Васильевна Афанасьева ос «Ленин пант хуват» газетат пу҅ктотум ханты нӀ Мария Кузьминична Волдина я҅ныг кӀщӀаит Ӏт сака сӀвщӀс потыртӀлыг. ТӀн

лӀвыгласы҅г, ханты мӀахум тӀнти газета ӀньщӀгыт, мӀньщи мир мӀагыс Ӏс Ӏри я҅нас газета вӀру҅кве. Я҅ныг кӀщӀаит тӀн ӀтӀн кӀсащӀаыт, ӀрнӀ нӀпакытт хасхатасыт.

1989 тӀлт рӀты҅ юсвой Ӏтпос 11 хотӀлӀт Ханты-Мансийск Ӏст «ЛӀимӀ сӀрипос» газета Ӏвыл номере та вӀрвес. Газета тох К.В. Афанасьева тав намаястӀ. Ӏвыл Ӏтпос газетат К.В. Афанасьева, Н.В. Сайнахова ос Н.М. Садомин тӀн рӀпитасыт. МӀньполь Ӏтпост А.Р. Станиславец рӀпитӀа҅кве патхатас, я҅҅к нӀтнӀ Ӏтпост Р.К. Бардина.

Потрыт, мӀйтыт ос ляххалыт ты хӀтпанув хассыт: А.М. Хромова, Т.С. Гоголева, С.С. Динисламова, В.С. Иванова, Н.К. Партанов. Никита Калистратович тӐва газетат тактӀт щӀепитӀлсанӀ.

«ЛӀимӀ сӀрипос» газетат Е.И. Ромбандеева,



А.М. Хромова ос Н.М. Садомин



У.Ф. Москвина ос Т.Р. Садомина

Л.Т. Костин, С.А. Попова потраныл хансым ӀлӀгыт. А.С. Тарханов стиханӀ ос А.М. Ко҅нькова потранӀ ос мӀйтанӀ мӀньщи лӀтӀы҅ толмашлӀлымат, Ӏс хансыглымат. 1991 тӀлныл 1992 тӀл мус С.М. Ромбандеева рӀпитас. 1993 тӀлт газетан В.В. Узель патхатас. Та порат Е.И. Хозумова рӀпитас, сӀвсыр потрыт хансыс.

Ӏвыл тӀлытт мӀньщи газета вӀру҅кве ханты нӀ Т.С. Себурова нӀтыс, тӀнт тав «Ханты яса҅» газета кӀщӀай вӀа҅ын нӀг Ӏлыс. Таисья Степановна кӀсы҅ мӀньщи хӀтпан нӀтыс, газета вӀру҅кве ханищтастӀ.

Ам тыт ат тӀл сыс рӀпитам мӀахманув урыл хассум (Ӏвыл газета нӀглын пӀсныл 1993 тӀл мус). Тувыл Ӏлалы хотыют рӀпитас, нӀн мӀтыт лӀпсыт ловиньтӀн.

«ЛӀимӀ сӀрипос» газета Ӏвыл номере нӀглум пӀсыл 30 тӀл ювлеты хульты. Ты сӀв манос мощца, хӀ҅хан вӀаве. Газета вӀрум ос ань газетат рӀпитан я҅тил мӀахманув, пуссын пу҅та҅гыл ӀлӀн, НӀй-Отыранын вос ӀргалавӀн! Тамле нӀтнӀ лӀтӀы҅тӀев Ӏс сӀв нот, хоса иис вос Ӏлы, вос суйты.

Светлана  
РОМБАНДЕЕВА



Р.К. Бардина ос Е.И. Ромбандеева

«ЛҮЙМӘ СЭРИПОС» ГАЗЕТАВ 30 ТҘЛЭ ТӨВЛҮ

## 1994 - 1998 тҘлыт

**Т**ы ат тҘл сыв сҘв пҘмыщ потыр газетавт хансым ҕлыс. Ос мҘн мҘк пҘмыщ акв-тит потыр урыл хансҘв. Та ат тҘлытт пҘвланувт маныр пҘмыщ ҕлыс ос сосса мир тҕнт хумус нҘтвҘсыт.

## 1994 тҘл

Та 1994 тҘлт тҘратым нҘпаканувт сҘв мҘнҘщи хҕтпа потраныл хансым ҕлыс. Наталья Васильевна Сайнахова сҘв мҕйт хансыглас. Николай Михайлович Садомин акв потрҘт Петр Шешкин урыл хансыс, потре тох намаим ҕлыс — «Петр Ефимович Шешкин — тьи мҘщтырыг пҘслум ос Ҙрыг-мҕйт вҘм хум».

КимкҘясуй Ҙги Мария Мони́на ос Үй йиквнҘ нак хансыс. КимкҘясуй пҘвилт Василий Селиверстович Вынгилев та тҘлы порат пупҘпщи кҘтн-паттыс. Тав колҘн сҘв мир атхатыглас, мҘхум колн щалтнҘ Ҙлы-пҘлт тҘйтыл манос витыл равхатасыт, хҕтал палыт тҘлыглахтасыт, вҘтсыт. Ты Үй йиквнҘ нак С. А. Попован тинан пҘслу-вес.

## 1995 тҘл

Та тҘлт ҕвил номе-ре иҘ пҘс щирыл вҘр-вес. Мҕт номере та порат ущты нҘглум компьютерыл вҘри-ма. Та пҘсныл газетав мҕт хурипаг Ҙмтыс, ловиньтаҘкве кҘпнит-нуге патыс.

Та тҘл мирув нҕх-патум Победа хҕталув атпан тҘлҘ тҕвлыс, ты кастыл газетат Яныг хҕнтныл юв ат Ҙхтум мҘнҘщи хум хҕтпат наманыл хассанҘв, тҘн пуссын мҘн пҘвлыҘ мҘныл войнан тотвҘ-сыт.

Та мҘхум урыл Н. М. Садомин ҕс хансыс, акв потре «Сҕ-тыҘ хум лылытҘ НҘй-Отырн Үргалаве» тох намаястҘ. ВҘраян, хҘл алыщлан хҕтпат урыл хансум потре ос тох намаим ҕлы - «ВҘраяҘ-кве сымыл тахнҘ хум сҕтҘ вҘрт такви лҘлт юв».

Северный фонд нам-па кол рҘпитас. КҘсыҘ пҘвил хумус нҘтвес, пуссын хансым ҕлыс. 1994 тҘлт округ бюд-жетув тысҘвит олн ҕнҘщис — 265 млрд солкҕви, ты олнытыл 11 млрд 930 млн солкҕви сосса мир мҘ-гыс холтымат, ты 4,6% сҘвит.

## 1996 тҘл

Та 90-ит тҘлытт ок-ругувт общинат рҘпи-таҘкв патсыт, та хҕт-пат урыл ос «Югра лы-льеп» ассоциация рҘ-пататҘ урыл сҘв по-тыр хассҘв. «МҘщтыр мҘхум хҕталыт» НҘри-хумит пҘвилт вҘрыг-лавҘсыт. Тув Октябрь-ский район янытыл сҘв мҘщтыр нҘт ак-ван-атыглавҘсыт. Раи-са Калистратовна Пар-танова газетавт ҕс рҘ-питас, сҘв потыр так-ви лҘтҘҘтыл хансыс. Ты Ҙс мҘнҘщиянув лҘтҘнаныл мощ мҕт хурипа.

Та тҘл ҕйттур Ҙт-пос 28 хҕталҘт хҕн-таҘ мҘнҘщи Ҙква Анна Митрофановна Конь-кова 80 тҘлҘ тҕвлыс.

Газетавт тав ҕлупсатҘ урыл потрыт ҕлҘгыт, таве сҘв хҕтпа яныт-ласаныл.

ЯныгпҘль Ҙтпос 19 хҕталҘт мҘн округ яныг кҘщаянув Ямал мҘ кҘщайт Ҙт договор-нҘпак хассыт, потыр-тахтасыт — мҘн окру-гувт ҕлнҘ сҘлыҘ мҘ-хум магыс акв сҕтыра сҘлы тот Ҙтваве.

## 1997 тҘл

Та тҘлт 1937-38 тҘ-лытт наскҘссыг сутн пат-тыма, наскҘссыг пор-слым мҘхум наманыл мҘн газетан хассанҘв. Тҕнт ущты тҘн наманыл лаввҘсыт. Та 1997 тҘл мус мҘнҘщи мҘхманув аты вҘсаныл, ляпа рҘтаныл хоталь тотвҘсыт.

Тҕнт тҘрвитыҘ ҕлупса кос ҕлыс, ос мҘхманув сҘв рҘпата вҘрсыт, сҘв мҘхум общинатт рҘпитасыт, йильпи музеит, мҕт сҘвсыр колыт пҘсвҘсыт.

## 1998 тҘл

«Печать хотал» кас-тыл мҘн рҘпитан ко-лунн округ яныг кҘщ-аюв Александр Василь-евич Филипенко ос ок-руг Дума кҘщай Сергей Семенович Собянин щалсасыг. Та урыл мҘн титыт номерт хассҘв. Та кҘщайг Ҙт щҘй ай-мув, хоса потыртамув.

«Коренные народы. Нефть. Закон» нампа конференция ҕлыс, тот округ кҘщай А.В. Филипенко лҘвыс, мҘн округувт пуссын сҘлнҘ олнытныл 40% сҘвит округувт хультҘгыт, мҕт олныт пуссын го-сударстван вивет.

Аньосюи-ҕвилтҘлытт туп 10% хультуптаве. Үл таимҘгыс тҘрви-тыҘ ҕлуҘкв ты патыс.

**Валентина  
ВАСИЛЬЕВА**



«НҘйотыр Маа» музеит



Вынгилев Ҙкваг-ҕйкаг

«ЛҮИМА СЭРИПОС» ГАЗЕТАВ 30 ТАЛЭ ТӨВЛҮ

## Тав сав мөйт хансыглас



Н.В. Сайнахова, 2001 тал

Сүкыръя павыл нэ Наталья Васильевна Сайнахова «Лүимә сэрипос» газетат сав тал рүпитас – ляххалыт, пёс потрыт, мөйт, амщит хансыглас.

Ты маныщи нэ сүкыр этпос 6 хоталэт 1949 талт Хальүс район Сүкыръят самын патыс. Овыл классыттыт самын патум павлэт ханищтахтас, элалы Кульпас павылыт тотвес, тот ханищтахтас, интернатт олыс. Школа асламе юи-палт Ханты-Мансийск үст олнэ педучилище аслам. Тувыл хурум тал Сүкыръя школат ныврамыт ханищтым рүпитас.

Элалы Наталья Васильевна Ленинград үст А.И. Герцен намба институтт ханищтахтас. Та юи-палт Ханты-Мансийск үсн олмыгтас, Творчество колн научный сотрудиныкы патхатас. Маныщи павлытн ялантас, мөйт-

тыт, амщит, пёс потрыт ёл-хансыс. Тох рүпитаме, яласаме сыс тав ратива колт маныщи передачат варыс, павыл махманув пёс потраныл, мөйтаныл, амщаныл пуссын ратива хосыт суйтсыт. Наталья Васильевна 2004 талт атимыг ёмтыс.

Газетан ты хотпат мөйтаныл, потраныл хансыглас: Мария Константиновна Албина, Григорий Николаевич Сайнахов, Пётр Фомич ос Николай Фомич Сайнаховыг, Николай Савватеевич Канев, Иван Истомина, Роман Алексеевич Сайнахов ос Михаил Васильевич Кимлобазов. Руц латңыл маныщи латңыг М. Анисимкова, И. Ермаков ос К. Ушинский потраныл толмашлалсанэ.

## Каркам ягагииг-ягпыгыг

Маныщи газета вэрнэ махманув халт кит ягагииг-ягпыгыг рүпитасыг – ты Раиса Калистратовна Бардина ос Никита Калистратович Партанов. Тэн Хальүс районт олнэ Йильпи павылт самын патсыг.

Раиса Калистратовна овыл потре «Лүимә сэрипос» газетат 1989 талт хасвес (яңк нәтнэ этпос 24 хоталэт 10 номерт), тох намайстэ: «Мань павлыт саватпьяныл». Тувыл элалы сав потыр хансыглас, газета вэрнэ хотпатн нётыс.

Никита Калистратович 1991 тал пасныл газетан потрыт хансуңкве патыс, тованакт щар тактёт рүпитас, газета щёпитас. Овыл потре тох намайстэ: «Самын патум мат» (1991 тал маныполь этпос 8 хоталэт 4 номерт хансым олы).

Ты маныщи хум тох ты лавыс:  
— Аквматнакт «Лүимә сэри-

пос» газета воруңкве махум щар атим олыс, кит номерыг ам амтем вурсагум. Таисья Степановна Себурован ос Мария Кузьминична Волдина нётвёсум, ты нэг тонт «Ханты ясаң» газетат рүпитасыг. Та порат ам «Югория» намба радио колт рүпитасум, маныщи латңыл передачат вурсум. Округ янытыл сав мат олсум, маныщи махманув потраныл, мөйтаныл, эрганыл магнитофонын хансыгласанум. Тувыл тан пуссын радио хосыт суйтсыт.

Никита Калистратович яңк нәтнэ этпос 9 хоталэт 1960 талт Йильпи павылт самын патыс. Школа асламе юи-палт Лабитнанги үст электросварщикыг ханищтахтас. Тувыл Санкт-Петербург үст олнэ А.И. Герцен намба университет юил ялантым аслам. 1996 талт член Союза журналистов России намыл майвес. Руц ос маныщи латңыл потрыт хансы, тыхал наука щирыл рүпиты, матыр-ати тарапатты. Сав тал Ханты-Мансийск үст олы. Гульнара экватэнтыл пыг оныщег, наме Тимур, 11 классыт ханищтахты.



Н.К. Партанов

Раиса Калистратовна ват саграпнал этпос 6 хоталэт 1964 талт самын патыс. Тав ос каңке аслам А.И. Герцен университетт ханищтахтас. Ханты-Мансийск үст «Торум Маа» музейт, радио колт, НИИ ВОУН колт рүпитас. Наука щирыл эрнэ нэпакыт хансы, мирхал хонтхатыглапыг олывланёныл порат такви щёпитам потранэ ловиньтәлыянэ. Маныщи павлытн яланты, пёс йис потрыт ёл-хансыянэ, махманув пёслыянэ. Раиса Калистратовна исторический наука кандидат намыл маим олы.

Ты ятил ягагииг-ягпыгыг пус кат, пус лагыл вос олэг, вос яласэг! Маныщи мирен магыс, щань латңён магыс ос сав ёмас тәла вос вәрэг.

Ты потрыг Светлана РОМБАНДЖЕВА хассаге



А.Н. Мехнина ос Р.К. Бардина

«ЛҮИМӘ СЭРИПОС» ГАЗЕТАВ 30 ТАЛЭ ТӨВЛҮ

# Савнүв хөтпа урыл ваңкве патсүв



С.А. Ярцева

Акв порат маныщи газетавн Софья Алексеевна Ярцеваныл пицма ёхтыс. Тав Советский районит Пионер-

ский павылт олы. Софья овыл пицматэт такви щёмьятэ урыл хансыс, тувыл омагэ, руганэ нэ хотпат мирхал ялпың хөтал кастыл янытласанэ.

Ос омагэн ёмас латың хансум: «Наң щаня, ул номсахтэн. Мән пуштагыл, ёмщакв олэв. Туи хөтал ёхты, хоты агиянын юв тах ёхталэгыт, мощ үрхатэн. Ос ёмас үлум».

Ань та пасыл мән Софья Алексеевнан сав пицмал ос хурил кетыглавесүв, мән тана-

ныл пуссын газетан вэрыгласанүв. Потранэ пуссын пүмщит, ос мән та ёрт олнэ маныщи махманув урыл савнүв ваңкве патсүв.

Акв руш хум овылтыт манавн потыртас, тав лёккарыг рүпиты ос тованагт мән махманув ёт вайхатас. Тав ты урыл мощ китыглавес. Мотыт щёс пёс хурит кетум ос потрыт хансум. Тувыл манылат агит урыл хансыглам, хөт ханищтахтэгыт манос хөт рүпитэгыт, маныр тән пүмщалэгыт.

Софья такви яныг щёмьят яныгмас, тән Лэпла павылт олсыт ос школат ханищтахтаманыл порат Нящамволь павылн тотыглавёсыт. Тот нелолов ягагит ман ягыгыт интернатт олсыт ос туи пуссын щаньящаныл палт юв минуңкве молямласыт.

Мән ань Софья хансум потранэ магыс яныг пүмщипа латың лавёв, пус кат, пус лагыл тавён.

Тамара  
ХАТАНЕВА

## Мәнки газета оныщев — такем ёмас!

Хулюмсүнт павыл нэ Мария Тихоновна Двинянинова таи потыртас. Ват тал ювле хултум порат тав маныщи газетав урыл нэматыр ат вәм, ты элы-палт тав «Ленин пант хуват» ханты газетат маныщи потрыт касалы ке, таит щагтым ловиньтасанэ. Тувыл яныг агитэ Ханты-Мансийскат лёккар хөтпаг ханищтаме порат «Ханты ясанг» газета хасылтам. Тав послум хурит суссанэ ос потрыт ловиньтым тай нэматыр тот ат торгамтас. Ётыл Светлана Динисламова мирколт кұшаиг рүпитаңкве патыс, тав 1992 талт нэпак ловиньтан колн «Лүимә сэрипос» газета хасылтам. Хулюмсүнт махум ты тэла тарапаттысаныл ос мотыт талт товат танки магысланыл ты газета хасылтаңкве патсыт.

Мария Тихоновна элаль лавыс: «Анумн овлэт потрыт ловиньтаңкве ос хотмус тар-

витың олыс. Пыгум газета катн вистэ ос латңыт суиңыщ ловиньтаңкве патыс. Я-а, тав такем кұпнитыг ловиньтытэ, латңанэ шар мак маныщи щирыл тэлэгыт. Амтирот номсэгум, пыгум ловиньтаңкве вёрмыс, ам ос хумус ат вёрмэгум. Тонт мот щирыл хансым латңыт торгамтаңкве та патсанум.

Аквнакт «Лүимә сэрипос» газетан ам урумтыл С. Динисламова потыр хансум. Тонт ам пүльницат лёккарыг рүпитасум. Ам ос павлувт ялпың хөталыт олнэныл порат маныщ потрыт хансыгласум. Светлана лавыс, маныщи газетан потрыт вос кетыянум. Ам ювле лавэгум, «Эссырма, хумус хансуңкве ат ваглум».

Тувыл акв ёмас вэрнэ тэла урыл номылматсум, хоты хөтпа хотыютн ёмас вэрыс, махумн матыр тэлат нётыс, та элумхолас урыл ам

хансуңкве тах патэгум. Та хөтпа тамле наке ловиньтытэ, тавён ос сака ёмас ёмты, мот махум элаль пүмщалахтэгыт.

Мән акван-хөнтхатэв ос тән хот-щагтым яныг пүмщипа лавёгыт. Акв щёс Е.И. Ромбандееваныл письма ёхталас. Тав хансыс, ам потранум ловиньтыянэ, сым тармыл тавён такем ёмас, тав сав мак маныщи хөтпат олнэныл урыл ос хунтамлы. Мирн ванэ элумхолас анум тох хансыс, тав маныщи латнүв үргалым оныщитэ, газетан хансум потранум эсгианэ, вәим, ань элаль хансуңке патэгум. Хансум потранум магыс воссыг ат эссамтасум ос ат хурахласум. Олупсат олыглам пүмыщ накыт акваг хансыгласум. Маныщи газета мәнки оныщев, такем ёмас, сым рөг».

Ётыл Мария Тихоновна такви стихыт, эргыт хансыс ос мән газетавн кетыгласанэ. Тувыл соса хөтпат хөнтлым



М.Т. Двинянинова

ман ялум тэлат урыл ваңкве патсүв. Маны тэгыл ванэ мөйтанэ няврамыт магыс номылматсанэ ос мән газетавн хассанэ. Хотты няврамаквен павылт касалаве ос лававе, тав хансум маныщи мөйтэ ловиньтасаныл ос төва латңыт танки торгамтасаныл, мотаныт яныг хөтпаныл китыглыяныл. Тох щань латың ханищтэгыт.

Тамара  
МЕРОВА

# Тән акваг потрыт хансэгыт

**Наталья Константиновна Тасманова**, такви опарищ наме Самбиндалова, 1992 тәлт Няхщамволь павылт олнэ ныврамыт мәнъщи ләтңыл ханищтаңкве овылтасанэ. Аквта тәлт мәнъщи газетан потрыт хансуңкве патыс. Та пәсныл тав потрыт, стихыт, мөйтыт, эргыт манава кетыгылы. Юи-овыл потре ты тәлт китыт газетан вәрыслүв, тав Владимир Высоцкий стиханэ мәнъщи ләтңыл толмашласанэ. 2005 тәл пәсныл мән ныврамыт магсыл касыл вәрыгләв, агит-пыгыт тәнки хансум потрапыл газетан кетыгләгыт. Наталья Константиновна нывраманэ эт потрыт акваг щепиты ос манава кеты.

**Дарья Ивановна Белова**, такви опарищ наме Аментьева, ос сәв тәл «Лүимә сэрипос» газетав эт рупиты. Мәнъщи ләтңыл щар овыл хансум потре «Лагерь наме Песс-я» 2003 тәл №35 газетат вәрим олы. Тонт Дарья Ивановна Югорск үст ныврамыт үшлахтын мән рупитанэтэ урыл хансыс. Ань 15 тәл сыс газетан потрыт ос ляххалыт кетыгылы, тав Югорск ос Советский үсыгт соса махум ялпын щоталаныл ос тот олнэ мәнъщи щемьят олупсаныл урыл хансы.

**Мария Владимировна Кумаева**, такви опарищ наме Алга-



М.В. Кумаева

дьева, ос сәв тәл газетан потрыт хансы. Мәнъщи нэ Хулюмсүнт павылныл олы. Тав 2003 тәлт Ханты-Мансийск үсн олүңкве вәнтлас ос «Лүимә сэрипос» газетат рупитас. Тувыл Мария Владимировна Ас-угорский институт наука щирыл рупитанкве вөввес. Махум тот мәнъщи, хантыт ләтңыг, пәс йис вәрмалит, мөйтыт, амщит, эргыт ханищтыяныл ос нэпакын ёл-хансыяныл. Мария Владимировна ос ты рупата вәруңкв вуйхатас. Ос аква тәлт Югорский университетт ханищтуңкве овыл-тахтас. 2015 тәл мәнъполь этпост Саранск үсн яныг диссертация-нэпаке вуянтаңкве ялыс. Ты юи-пәлт филологический на-



Н.К. Тасманова

ука кандидат намыл майвес. Ань тав Ас-угорский институтт мәнъщи отделт күщаиг олы. Мария Владимировна щән ләтңе ёмащакв вәгтэ, хансум потра-нэ ловиньтаңкве сака күпнит ос пүмыщ.

**Галина Николаевна Войтова**, такви опарищ наме Курикова, 2003 тәл сыс мәнъщи газетат рупитас. Тав Няхщамволь павылныл олы. Мәнъщи нэ Ханты-Мансийск үст педагогический училищат, тувыл Санкт-Петербург үст А.И. Герцен намба университетт мән ныврам үргалан хөтпаг ханищтахтас.

«Лүимә сэрипос» намба газетат рупатаме урыл тох лавыс: «Анумн газетат рупитанкве сака мустыс. Тәл сыс махум олупсаныл урыл ос мәнъщи мөйтыт хас-сум. Ам номсэгум, тамле потрыт ловиньтаңкв пүмашнувөг олы».

Ань Галина Николаевна Няхщамволь садик-колт күщаиг олы. Ты яныг рупататэ вәрим, мәнъщи газетан потрыт хансуңкв воссыг ат алыми. Төва порат Ханты-Мансийск үсн ёхталы, мән редакциявн щалтсәлы ос такви рупататэ урыл мәнъщи газета магсыл потырты. Акв порат тән садиканылт «Языковое гнездо» намба тәла вәрыгласыт ос мән ныврамаквет мәнъщи ләтңыл потыртаңкве ханищтасаныл. Рупатаныл хумус мины, манава тав потыртәлы, ты вәрмалы урыл ляххал хансыгласүв.

**Людмила ТЕТКИНА**



Г.Н. Войтова, С.А. Архипова, К.В. Койнова, А.В. Вьюткин ос Д.И. Белова

## «Лүимә сэрипос» газетав тав намаястэ

Ханты-Мансийск үст акв учёный нэ олы, ты Клавдия Васильевна Афанасьева. Тав 1951 талт Хальүс район Сүкырья павылт самын патыс. Школа а́стламе юи-палт Ленинград үс А.И. Герцен нампа институтн элалы ханищтахтуңкве минас. Тот тав ат тал литература ос рущ латың, маньщи латың ос лүимә махум литература ханищтас.

Маньлат порат кәркам а́ги Ханты-Мансийск үс педучилищаныл рупататэ овылтастэ. Тот няврамыт маньщи

латңыл ханищтасанэ. Тувыл сав тал образование институтыт филология кафедрат кұщаиг олыс. Научно-педагогический вәрмаль щирыл ват нупыл хөт тал рупитас.

Тав округувт олнэ школат, колледжит ос университет маньщи латың ханищтан магыс учебный программат, пособие-нэпакыт ос мөт эрнэ литература хансыс. Пуссын аквэ́т онтырсат арыгтем нэпак таратас.

Ты номтың, вэщкат нэ округувт, Россият ос мөт хон мат олыглам



Л.И. Теткина, К.В. Афанасьева, В.В. Узель, 2012 тал

конференциятт, конгрессытт, семинарытт тэлаң потранэ ватихал мирн ловиньтасанэ.

Клавдия Васильевна «Лүимә сэрипос» газета, тав ты тох намты-

стэ. Газета ущ вәруңкве патым порат тав сав нётмил вәрыс. Маньщи латңыл сав потрыт тув хансыс. Мән тавэтыл сака янытлахтэв.

**Николай МЕРОВ**

## Лүсум яныл ханищтахтуңкве ёхтум а́ги

**А**кв маньщи а́ги Анна Анямова 2002 талт таквсы «Лүимә сэрипос» газетат рупитаңкве патыс. Тав Сәпса үс ёрыл Тёрасколыңья павылныл олы. Аня школа а́стламе юи-палт юн ома́тэ палт олыс, акв порат Т.С. Гоголева тән нупыланыл ялыс, тот лүсум маньщи махманув ёт хөнтхатыглас, тонт ты тав номылматас — Аня элалы вос ханищтахты.

Ос 2000 талт тэлы Хальүс район Лопмус павылт махум Уй йиквуңкве атхатасыт, тонт Аня Татьяна Степановнан тув мүйлуңкве тотвес. Та юи-палт Ягримн тётвес, тьяг мус тот курсыт ханищтахтас. Ос туй 2000 тал лүпта этпост Ханты-Мансийскын элалы ханищтахтуңкве ёхтыс. Тыт өвлэт Нижневартовский пединститут филиалэт ханищтахтас, ётыл няврамыт пуссын Югорский университетн вантлуптавэсыт. Тонт Анна газетан рупитаңкве вөввес, тох тав хөтал охса ханищтахтас ос мөт хөтал охсат рупитаңкве хайтыс. Сав ёмас хурит Ивдельский районт олнэ махманэ урыл вәрыс, това пёс хурит, товат такви юв ялан-

тамёт пөслысанэ. Ома́тэ, рүтанэ потырталум пёс потрыт, мөйтыггалум мөйтыт нэпакн хансыс.

Командировкатын ялантәлыс, тот яныг махманув ёт хөнтхатыглас, тән потраныл газетан тотыс. Анна такви латңе сака ёмщакв вәгтэ, ты коньпал рущ латңыл ос маньщи латңыл хансуңкве университетт ханищтахтас. Таимагыс тав потранэ ловиньтаңкве сака купнит, ёмас ос пүмыщ, шар ма́к маньщи щирыл олэ́гыт.

Ханищтахтын маныл а́сланёт порат хум вәрыс, ойкатэ маньщи хум Леонид Ильич Алгадьев, ань тән Хальүс район Хулюмсүнт павылт олэ́г. Коля пыгөн сатыт классыт ханищтахты, Надя агитэн атыт классын яланты. Тән ойкатэнтыл няврамаген ёт юн маньщи латңыл потыртэ́г, агиягён-пыгагён тэнти латңыл ёмщакв торгамтэ́г ос потыртэ́г.

Анна оныпе Галина Константиновна Алгадьева Хулюмсүнтыт маньщи павылт олы, няврамыг акваг щащэ́кватэн палт ялантэ́г. Ань Анна ома́тэ Александра Васильевна Анямова ащирма сыс агитэ палт олы, Тёрасколыңья павылт тактёт олуңкве тарвитың,



Анна няврамаге ёт

яныгпалаг ёмтыс, вит тотуңкве, найв атуңкве торың ат вёрми. Юв кос вораты, тэлы сыс агитэн юв ань ат тартаве.

Анна Николаевна ань юи-өвыл нила тал Ас-угорский институтт рупиты, маньщи мөйтыт, потрыт акван-атыянэ, мощёртын нэпакыг вәравет. Това порат рущ мөйтыт маньщи латңыг толмашдыянэ. Тамле ты пүмыщ ос эрнэ рупата вәри. Колта́глэ пустәгыл вос олэ́гыт, сав сөт, сав шунь вос оныщэ́гыт!

**Галина  
КОНДИНА**

«ЛҮЙМӘ СЭРИПОС» ГАЗЕТАВ 30 ТҘЛЭ ТӨВЛҮ

## 1999-2003 тәлыт

**Т**а порат ам «Лүймә сэрипос» газетан рүпитаңкве вөввёсум. Төнт мён Светлана Ромбандеева ёт рүпитасмён. Ётылнув ос тыг мәнъщи латың ванэ мөт мәнълат хөтпат ёхтысыт: тыи Людмила Теткина, Николай Меров, Галина Кондина (төнт потранэ Дышлевая опарищнамыл хансым олсыт). Мән аквьёт ань тыг мус пуссын рүпитэв. Матахмат тәл мән ётув Анна Анямова (Алгадьева), Галина Курикова, Александр Вьюткин рүпитасыт.

Ат тәл сыс газетав мощ мөт ширыл вәруңкве патыслүв, мән хоталь-ати округ янытыл ялантаңкве патсүв ос сәв махманув ёт вайхатасүв. Газетав ловиньтан махум редакциян пишмат кетыгласыт ос потраныл газетан вәрсанүв. 1999 тәлт мәнъщи газетав 490 элумхөлас ловиньтасыт, 2000 — 580 хөтпа, 2001 тәлт тираже 610-630 савиткем олыс, 2002 тәлт — 825 элумхөлас газета хасылтасыт ос 2003 тәлт тираже 670, тувыл 788 савитыг олум. Тыи хоты щемьят тәнки почта хосыт газета хасылтамыт, мөтаныт нас олн ойтгәл тотыглавёсыт.

Ам шар овыл потрум «Маныр ёхтум тәлув тоты» намаим олыс, мән касың тәл овыл лөпсын календарь пос-

лыгласүв ос 1999 тәл Кәти тәлыг олум. Тувыл ам округ Дума сапранин ялмум порат та ляххалыт ос мөт тәлат урыл хансыгласум. Светлана Ромбандеева туйг Свердловский областин Бурмантово, Хорпия, Полночное павылн овыл щёс ялыс, тот лүсум мәнъщиянув олэгыт. Ам ётыл Керасколыңят, Лэплат, Пакиныт олнэ мät ос муйлысум. Мён та махманув овылтыт нанан потыртасмён.

Ат тәл сыс газетат сака сәв пёс потрыт, мөйтыт, эргыт хансым олэгыт. Төнт Н.И. Садомин, Е.Е. Качанова, Е.К. Сетова, Т.Д. Слинкина (Ендырева), В.С. Иванова (Садомина) яныгпала хөтпатныл ёлхансум мөйтаныл кетыгласаныл. П.Е. Шешкиныл хультум потрыт мән ос вәрсанүв.



Ишхйпың мät вим хурилов

Лөпмус павыл, 2000 тәл

М.Т. Двинянинова ос С.С. Динисламова тәнки хансум стиханән ос эрганән газетат махумн ловиньтавёсыт. Тувыл Хулумсүнт махум олупсаныл овылтыт потыртасыг.

А.М. Хромова ос Н.П. Бурдик (Вынгилева) музейт рүпата тәланән, Кульпаст, Кимкясүйт олнэ махум урыл хассыг. Сәвсыр потрыт «Югория» нампа мәнъщи рәтиват рүпитан нэ Евдокия Хозумованыл хөнтсум. Тав ос округ янытыл мәнъщиянув ёт вайхатас ос махманв нётыс. 1999 тәл оигпан элы-пәлт тав ёмас рүпататэ магыс Финляндия мөт хөн мät олнэ М. Кастрен общества пәлыл эсгын нэпакыл муйлуптавес.

2000 тәлт №19-20 номерыг янытәт «Мәнъщи махум Лөпмус павылт Уй йиквсыт» вәрмалё овылтыт хансым олыс. Ос мөтыт тәлт махум Хулумсүнт павылт Уй йиквсыт.

2001 тәл овылтахтам порат махум нэпак таратасыт. Төнт Тюменский область кўщаиг Сергей Собянин пәриявес, ос мән округувт Александр Филипенко.

Сосса махум Ассамблеян Е.Д. Айпин, В.С. Сондыков, Т.С. Гоголева, Н.Г. Алексеева ос руцхум А.А. Андреев пәриявёсыт.

Школат ос ётыл ты үст элалё ханищтахтам агит газетавн 2002 тәлт матахмат потрыт ос кетыгласыт. Тыи Настя Вьюткина ос Анна Немдазина Саранпавылныл, Надя Тасманова Няхщамвөлныл, Наташа Алгадьева Хулумсүнтныл, тувыл Вика Сайнахова ос Ольга Варсакова хотыт тыг ханищтахтуңкве ёхталасыг, ат вәглүв.

2003 тәлт Мария Кумаева потрыт хансункве патыс, төнт тав Ханты-Мансийск үсн олмыгтас. Аквта тәлт Советский район Пионерский павылныл Софья Ярцева мән ётув вайхатас ос тувыл такви ванэ махманэ овылтыт хансыглас.

Кит мәнъщи газетаг хорамың хурил олсыг, акватэ кит сөтыра овыл тәл овылтахтаме кастыл послувес ос китыт 50 (500) номере кастыл вәрыглавес. Тот мәнъщи потрыт руц латңыг толмашлым олсыт.

**Тамара МЕРОВА**



Хулумсүнт павыл, 2002 тәл

«ЛҮИМА СЭРИПОС» ГАЗЕТАВ 30 ТҰЛЭ ТӨВЛҮ

## 2004-2008 тәлыт

Та тәлыт порат газетат рӯ-питан мӕхманув коньпал сӕв потыр хассыт В.С. Иванова(Садомина), ома тӕ Татьяна Романовна Садомина мӕйтӕнӕ яныг ӕгитӕн Валентинан газетан ты хасвӕсыт. Е.И. Хозумова, С.С. Динисламова, М.Т. Двинянинова сӕв потырт тӕтсыт ос хассыт. Мария Двинянинова такви стиханӕ газетан акваг тӕтыглас.Та порат Олег Сайнахов Мӕ-вит ос Ӕлумхӕлас музей рӯпитас, тав вӕрнӕ рӯпататӕ урыл потырт газетан тотыглас.

**Мария Кумаева** мӕйтӕт, потырт хансуӕкве ӕвылтахтас. Ӑвыл потранӕ такви яныгмам поратӕ, такви румагьянӕ урыл хансыт. Ты потырт таквинӕтӕн ань ӕс сака пӕмшиг патӕгыт. **Нина Вынгилева** ос пӕс мӕйтӕт хансыт, «Тӕрум Маа» музейт вӕрум рӯпататӕ урыл ӕмас потырт ӕлӕгыт.

**Клавдия Васильевна Койнова** Хӕльӕсныл сӕв потырт тӕтыглас. Тав Нӕхщамвӕле ос сӕлыӕ мӕхум нӕрт яласаманыл урыл потырт хансыт. Ань мӕхумн тӕнти рӯтаныл урыл ловиньтаӕкве ул пӕмыщ ӕлнув. Пӕс порат мӕхум хумус рӯпитасыт, хумус ӕлсыт.

Лӕсум мӕнӕщит урыл **Анна Анямова** хансыт, тав та порат газетат рӯпитас. Тот татем нӕтнӕ ӕмас хурит, мӕхманум акв мӕт акван-атхатамыт, Анна ӕтӕтӕ Николай Васильевич газета ловиньты, хум хӕтпат, нӕ ос нӕврамыт тав мувла-



Ты хури 2004 тӕл газетат вӕрим ӕлы,  
1950 тӕлт лӕсум мӕнӕщиянув пӕсылм ӕлӕгыт

хи лӕльмыт, татем ты хӕнтлӕгыт. Тот тӕн пуссын вуйкан кувшил, мольщаӕныл масхатым ӕлӕгыт, хум хӕтпат сагыӕыт. Ань тамле мӕнӕщи хӕтпа воссыг ат хӕнтӕв.

Мӕт хурит ӕкват яктым сахил, вӕил масхатамыт, пуссын русыӕ тӕрыл пинхатамыт, щар аквтуп ӕканяквет лӕльхӕлӕгыт. Маснутаныл пуссын пӕс хольт мӕщтырыг юнтым ӕлӕгыт.

Та тӕлыт порат Ӕс-угорский театр матах тӕл рӯпитас, финно-угор мир мирхал фестиваль вӕрыглавес. Тӕнт мӕн пӕвлытныл сӕв мӕхум Ханты-Мансийск ӕсн ӕхталасыт, мӕй мӕхум ййкваныл суссыт ос тӕнти маныр хӕсӕгыт, суссылтасыт.

**Валентина Селиверстовна Иванова** та порат Югорский университетт рӯпитас, ханищтахтын мӕхум урыл сӕв потырт хансыт. Мӕнӕщи нӕврамыт хотыл ӕхтысыт, манарыг ӕлӕль ханищтахтӕгыт, пуссын мӕн газетавт хӕнтуӕкве рӕви.

2007 тӕлт мӕнӕщи газетав «Золотой фонд прессы» пӕсыл майвес. Ты пӕс мӕгсыл нӕпаканув акван-атыгласӕв ос Москва ӕсн касылн тув тӕтсанув. Тот мӕт газетат ос журналыт халт тамле пӕсыл майвесӕв. Ты пӕс виӕкве ам Москва ӕсн вовиньтӕлвӕсум, Ленин наппа библиотекат мӕйлуптӕвесӕв.

Округув янытыл 2004 тӕл щӕмья янытлан тӕлыг намайльвес, тӕнт «Семья года Югры» касыл вӕрыглаӕкве патвес. Ос 2008 тӕлт щӕмьят халанылт касманыл порат мӕн мӕнӕщи колтӕглув Дунаевыт нӕх-патсыт. Тӕн рӯтаныл пуссын акв нӕпакн хасманыл мӕгсыл титыт местал майвӕсыт.

Пуссын аквӕт сака сӕв лӕххал, ӕмас потыр, мӕйт газетанувт хассув ос ань ӕлнӕ щӕмьят ӕс вос тӕнти рӯтаныл номияныл, нӕвраманылн потыртӕгыт. Нӕнти мӕхманын вӕим ос номим, мирув акваг ӕрыг ос тӕксарыг ӕлуӕкве паты.



С.С. Динисламова, 2004 тӕл



Н.П. Вынгилева, 2010 тӕл

Галина  
КОНДИНА

## 2009-2013 т҄лыт

**2009 т҄лт р҄тың юсвой җтпос** аквхуйплов хоталҗт «ЛҮима с҄рипос» газета хус т҄л҄ т҄влыс. Та с҄с тот с҄в п҄с потыр хансыглавес. П҄с порат П. Шешкин, С. Гоголев, И Меров, З. Лаптев, Н. Сайнахова ос мотаныт газетан м҄ныщи л҄тңыл потрыт хассыт. Т҄н т҄ва потраныл ань ос хансыглавет.

Ты коньпал тонт газетан Мария Двинянинова с҄в потыр хансыс. Ты «Оматем туп потран҄ хультсыт», «Омам л҄тңыл, потрыт», «Оматем», «Саам м҄хум потрыт», «Үринҗква хотал» ос мот потрыт. РҮпататҗ щирыл Ямало-Ненецкий округн с҄лың м҄хум палт ялыс. Ювле җхтуме порат ты урыл «Н҄рыт яласан м҄хум» нампа потыр хансыс. Тувыл «Няврамыт җрагалан хотал» ос мот с҄в п҄мыщ потыр газетан хансыглас.

2010 т҄л няврамыт ханищтан хотпат т҄лыг лаввес. Тонт округ к҄щациг ущты Наталья Комарова п҄риявес. Ты

коньпал та порат Ханты-Мансийский округ җмтме п҄сныл 80 т҄л҄ т҄влыс. Тонт намыңсуиң хотпат урыл с҄в потыр хасвес. Эмиль Иванович Косполов 70 т҄л҄ т҄влыс. Ты ойка с҄в т҄л Ханты-Мансийск җс педколледжит няврамыт ханищтым р҄питас. Тувыл сосса мир Ассамблея к҄щацин н҄тым р҄питас, тот с҄всыр р҄пата в҄рыс.

Та т҄лт с҄в потыр Х҄льҮс район Сортыңья, Саранп҄авыл, Аңья, Т҄к п҄влың м҄хум урыл хасвес. Кондинский районт олн҄ п҄влыт урыл ос с҄в потыр олыс. Тувыл касн҄, ханищтап ос пусмалтан в҄рмалы



В. Самбиндалов, Т҄рв҄т п҄выл



Газета в҄рн҄ м҄хум Аңья п҄вылт послув҄сыт

урыл ос с҄в л҄ххал ловиньтаңкве р҄ви.

2011 т҄лт т҄ва сосса хотпанув яныг намхоталаныл олсыт. Ты Клавдия Васильевна Афанасьева, такви опарищ наме Сайнахова, 60 т҄л҄ т҄влыс. Тав педагогический наука кандидат нам оңыщи. «ЛҮима с҄рипос» газетав в҄рн҄ порат тав ты в҄рмалы җлалы тотуңкве н҄тыс, ос р҄питас. Ғква Х҄льҮс район С҄кыр҄я п҄вылныл олы. С҄в т҄л ханищтап т҄лат р҄питас, няврамыт ханищтан н҄пакыт т҄ратас. Ань пенсиҗт олы.


Тонт н҄пак хасн҄ хонтаң м҄ныщи хум Андрей Семёнович Тарханов 75 т҄л҄ т҄влыс. Тав Кондинский район янытыл янытлан хотпаг олыс. Ойка Аманья п҄вылт самын патыс. Стихыт м҄нылат т҄гыл хансыс. Тав атимыг җмтыс. Олм҄т

с҄в стихыт хансыс ос н҄пакыт т҄ратас.

2012 т҄лныл яныгп҄ль җтпосныл «ЛҮима с҄рипос» газетав иильпийг в҄руңкве патвес. Журнал холыт в҄рвес. Т҄ва лопсыт хорамыңыг җмтсыт. М҄хумн хурит сунсуңкве ос ловиньтаңкве п҄маш патыс. Тот ос аквтох с҄всыр потрыт п҄влың җлумхобласыт урыл, пусмалтан, ханищтап, касн҄, п҄с йис т҄лат, м҄йтыт ос мот в҄рмалит урыл җлалы хансавет. Янас лопс няврамыт м҄гыс в҄рвес.

2013 т҄лт иң с҄внув п҄мыщ ос җрн҄ потрыт хансуңкве патв҄сыт. С҄в л҄ххалыт уч҄ныит, н҄пак хасн҄ хотпат, п҄влыт, җсыт ос йис м҄т р҄питан м҄хум, няврамыт җщлахтын м҄т урыл хассув. Газета с҄всыр потрыл акваг с҄вмалтавес.

**Николай  
МЕРОВ**



Кульпас п҄вылт «Найотыр Маа» музейт м҄хманув п҄рлахтасыт, 2012 т҄л

«ЛҮИМӘ СЭРИПОС» ГАЗЕТАВ 30 ТҰЛЭ ТӨВЛҮ

## 2014-2018 тәліт

## 2014 тәліт

2014 тәліт «Лүимә сәрипос» 25 тәліт төвлүс. Ты кастыл мән мәнщи мәнхмыт, ляххал тотнэ финно-угор хөтпат хаништапын вөвыгласанүв. Хаништап руш ләтңыл тох намаяслүв: «О роли средств массовой информации, издаваемых на родных языках». Төнт Валентина Узель «25 лет с газетой» нампә нәпак щәпитас, Светлана Ромбандеева ос Г. Кондина «Мәнщи мәнхум потрыт» нәпак тәратасыг ос газетат хансыглым пүмыщ потрыт тув вәрсыг.

Та тәліт мәнщи хум Руслан Проводников Хосе Луис Кастильо ёт пәссаң шахныл касым нөх-патыс. Ты урыл Александр Вьюткин хансум ляххале №23 газетат өлы.

Аквта тәліт Светлана Ромбандеева кит яныг сәкконыг мәнщи ләтңыл толмашласаге. Руш ләтңыл тох намаим өлэг: «Всеобщая Декларация прав человека» ос «Декларация ООН о правах коренных народов». Ты шар



Руслан Проводников ос Хосе Луис Кастильо 2014 тәліт

мәк яныг сәкконыг мәнщи газетан вәрыгласагүв. Валентина Узель мән өлнэ мән шар мәк яныг сәккон «Устав ХМАО-Югры» мәнщи ләтңыл толмашластә.

## 2015 тәліт

2015 тәліт яныг хөнт оигпам пәсныл 70 тәліт төвлүс. Хөнтлум мәнхум ос та порат сәв рүпитам хөтпат урыл потрыт тәл сис мәнщи газетат хансыгласүв. Мәнхум хөнтлум манос кәркамыг рүпитам рүтаныл урыл пишмат редакциявн кәтыгласыт. Светлана Парфенова-Вынгилева такви атятә Пётр Егорович Вынгилев урыл потыр хансыглас. Атятә финский войнат хөнтлас, тувыл юв ёхталас, 1941 тәліт элаль хөнтлуңкве тотвес. Пәтлуптаңкве сака ёмашакв хәсыс. 1943 тәліт мәнщи хум сакватавес, төнт саме хөйвес, тымәгсыл юв кәтвес. Юв ёхтумөт хүл алыщлым ос вөраим рүпитас.

Лүпта этпос 15-21 хөталыт мәнщи мәнхум Хәльүс район Аңъя пәвилт атхатыгласыт, тот «Шешкинский чтения» вәрыглавөсыт. Та тәліт Шешкин ойка 85 тәліт төвлунув. Ты вәрмаль урыл потыр өс өлы.

Сүкыр этпос 13 хөталәт Россия Президент ләвум хөтпа округ депутатыт яныг кұшаиг пәриясаныл. Сәв депутатыт Наталья Комарова мәгсыл кәтпос



В.В. Путин ос А. Тургачёв 2018 тәліт

пинсыт. Ты вәрмаль урыл Валентина Узель №18 газетат «Округ кұшаюв элаль ат тәл рүпитаңкве паты» хансыс.

## 2016 тәліт

Округувт 2016 тәліт нәврам янытлан тәлыг намаялвес. Ты кастыл мән «Ими гордится Югра» ос «С гордостью о Победе» кит касыл вәрыгласүв. Нәврамыт хансум потраныл тәл сис газетан щәпитәлсанүв.

Та тәліт Россия янытыл өлнэ мир Государственный Думан депутатыт пәриясыт. Мән округвныл тув мәнщи нә Татьяна Гоголева пәриявес. Ань тав Москва үст сәкконыг пирмаытм рүпиты.

Мәнщи мәнхум өлупсаныл урыл мән кәсың газетат хан-



Газетат рүпитан мәнхум А.И. Сайнахова ёт 2014 тәліт



«Шешкинские чтения», Аңъя павыл, 2015 тал

сыгласув. Акв номерт маньлат хум Иван Хозумов урыл потыр олы. Тав Ханты-Мансийск үст лёккарыг ханищтахтункве асталас, ты юи-палт Кимкъясуй павылн минас. Йильпи пўльница ос лёккар оlnэ кол тот ўнттувас. Маньлат пыг хумус рўпиты, та урыл потыртас.

### 2017 тал

2017 тал овылтахтам порат Евдокия Ивановна Ромбандеева атимыг емтыс. Маньщи эква яныг учёный-хотпаг олыс. Аквта талт вортур этпост Андрей Семёнович Тарханов, стихыт хаснэ маньщи ойка, атимыг емтыс.

Та талт округут акв саккон пирмайтас, 1993-2017 талыт самын патум няврамыт ат согыра солкөвил ойтункве овылтавет. Пирмайтым нэпак урыл Валентина Узель яныг потыр хансыглас.

Газетат ман маньщи махманув тарвитың вярмаляныл урыл ос хансыгласув. Советский район Таёжный павылт оlnэ Елизавета Хандыбина щёмьятэ урыл Николай Меров хансыс. Павылт рўпата шар атим, тыммагсыл нэ-хумыг вораим, хул алышым

олэг ос тэпкант савсыр тэнут ялмалтэг.

Тонт Ханты-Мансийск үст овыл щёс «Шесталовские чтения» нампа конференция рўпитас. Савсыр маныл финноугорский учёныт, писателит тыг вөвыглавёсыт. Ты конференция рўпататэ урыл савпотырт газетат ловиньтаңкве рөви.

### 2018 тал

Ювле хульгум тал маньполь этпост яныг пёриян вярмаль олыс, ман Россия Президент пёриясув. Ты тэла урыл Светлана Ромбандеева «Округ мир нэпак таратасыт» намаим ляхал хансыглас. Тонт 76,23% савит округут оlnэ мир Владимир Путин магсыл нэпак таратасыт.

Молты тал мань таквс этпост Государственный Дума акв саккон пирмайтас. Ты нэпак щирыл махум савнун тал рўпитаңкве лававет. Ань нэ хотпат 55 тал, хум хотпат 60 тал мус рўпитаңкве патэгыт. Ман округут оlnэ мир хоты порат пенсия-олныл ойтункве овылтавет, манасавит тал рўпитаңкве



Т.С. Гоголева, 2016 тал

лававет, ты вярмаль урыл ман ос ватихал ляхал хансыгласув.

2018 талт Еремей Данилович Айпин 70 талэ товлыс. Тав талт сыс округув янытыл яласас, тыт оlnэ мирыт эт хотхатыглас, такви нэпаканэ урыл потыртас. Ханты ойка урыл ман талт сыс хансыгласув.

Маньполь этпос 26 хөталэт Ханты-Мансийск үсн Россия Президент Владимир Путин ёхталас. Тыт тав яныг сапрани вэрыглас. Ты элы-палт тав «Ма-вит ос Элумхөлас» нампа музейн суссылтап сунсуңкве ялыс. Тот тав маньщи ос ханты хотпат эт хотхатыглас. Тонт Александр Тургачев тавэн хум хотпа энтап муйлуптас. Ты вярмаль урыл Николай Меров хансыс.

Та талт ват саграпнал этпос 15 щислат Анастасия Ильинична Сайнахова атимыг емтыс. Тав филологический наука кандидат ос профессор намыл маим олыс. Анастасия Ильинична вэрум тэланэ ханищтапын ос наука яныг пэрыс тотэгыт.

**Людмила  
ТЕТКИНА**



И. Хозумов, 2016 тал



А.С. Тарханов, 2017 тал



Е. Хандыбина, 2017 тал

# Няврамыт мөйтүт хунтлысыт



**Ю**вле хультум этпост Ханты-Мансийск үс нэпак ловиньтан колт няврамыт акван-атыглавёсыт. Ханты нэ Алла Посохова-Иштимирова «Обь/чай» нампа проект вэрыс. Ты хосыт ань вэтихал савсыр мүйлын хоталыт щёпитэлы. Няврамыт тот пүмыщ мөйтүт хунтлысыт ос суссылт. Ты вэрмалын няврамыт оманыл, атяныл ос тув ёхталасыт.

Ас-угорский театрыт рупитан хотпаг Дмитрий Тарлин ос Любовь Фатеева койп ратым эскимос махум мөйт суссылтасыг. Тэн хосат тагыл театрыт рупитэг. Мөйтэн татем пүмщиц сусхатас. Няврамыт яныг щэгтыл хунтлысыт.

Эскимос махум хотал нэглын ёр нупыл олэгыт. Тот акв тал-охса сыс хотал нэгла-лы, мот тал-охса сыс ос хоталэ ат нэгли, акваг этииг олы. Ос тэн тыил ат маршумлавет, тох олункве ханьщув-ласыт. Эскимосыт щар

мак эрнэ утаныл - ты койп. Койп ратым тэн эргегыт, ййквёгыт ос мөйтүт мөйтүм элалы олэгыт.

Ханты хум Владимир Енов мань пыгрищ урыл стих ловиньтас ос полщ тотнэ касэв урыл мөйт мөйтүс. Ты хум Ямал маныл хосат ман округвн ёхтыс. Сав тал «Ханты ясаң» газетат рупиты. Ань матахмат тал нэпакыт хансы.

Үст олнэ акв ханты эква Людмила Зубакина мөйтүт потыртаңкве ос ёхталас. Тав Хальүс район Тугияны павылт самын патыс, тот яныгмас. Ты эква ос сав тал «Ханты ясаң» ос «Лүймэ сэрипос» газетагт махум газетал хасылтым рупитас. Ань пенсият олы. Тав мань порат щащёкватэныл ос ащёныл хулыглам кит мөйтүг няврамытын мөйтсаге, няврамыт татем хунтлысыт.

Тувыл «Лылын союм» няврамыт ййквнэ ос сажквылтан колт рупитан нэ Майя Мака-

рова ханищтахтын няврамыт ёт тув ёхталас. Агит-пыгыт «Куккук», «Щёпыр пуңк» ос «Вот урыл» мөйтүт суссылтасыт.

Тот Диана Герасимова, хонтаң маньщи эква олыс. Тав сав тал няврамыт ханищтым рупитас. Ань пенсиян патыс, тамле тэлат олыглан порат вэти-хал вөвиньталаве. Тав ань Свердловский областит Ивдельский район Полуночный павыл школа-интернатт олнэ няврамыт палт ялантэлы, тананыл маньщи латныл хансункве ос ловиньтаңкве ханищтыя-нэ.

Ты тэла астум юи-палт няврамыт мот колнакн кина суснэ тогап хосыт ханты ос маньщи мультфильмыт сунсункве ми-насыт. Яныгхотпат ос пасан ватат щай айсыт ос халанылт потрамасыт. Тув ёхталам махум магыс нэпак суссылтан вэрмалыт щёпиталвес. Та хотал тот пуссын сака ёмщакв ущлахтасыт.

**Николай МЕРОВ**



**Луима сэрипос**  
(Северная заря)  
№3 (1189), 07.02.2019  
**Соучредители**  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

**Редакция**  
Врио директора –  
**Кондина Г.Р.**  
Телефон (3467)33-22-72  
Заместитель гл.редактора –  
**Кондина Г.Р.**  
Телефон (3467)33-22-72  
Ответственный секретарь –  
**Узель В.В.**  
Телефон (3467)33-23-09

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467)33-17-52  
**Е-mail:** [gazeta@khanty-yasang.ru](mailto:gazeta@khanty-yasang.ru)  
Газета размещена на сайте  
[www.khanty-yasang.ru](http://www.khanty-yasang.ru)  
**Отпечатано:**  
ООО «Новости Югры-  
Производство» г. Сургут,  
ул. Маяковского, д. 14.

Индексы **04399, 54399**  
Тираж **1710** экз.  
Заказ **516**  
Цена свободная  
Мнение авторов  
публикаций не  
обязательно отражает  
точку зрения редакции.

Газета зарегистрирована  
Управлением Федеральной  
службы по надзору в сфере  
связи, информационных  
технологий и массовых  
коммуникаций по Тюменской  
области, ХМАО-Югре и  
ЯНАО.

Свидетельство о регистрации  
ПИ №ТУ  
72-00795 от 23 января 2013г.